

Zaithyel Soekandar ta titula “Campeon” den BMX na Oldsmar, Florida

FOR di Oldsmar, Florida a drenta e bon noticia cu Zaithyel Soekandar ta logra conquista dos titulo di “Campeon” den e caredanan oficial di e ABA BMX Gator Nationals. Zaithyel a participa den e 2 dianan di careda oficial di diasabra y diadomingo y, e la representa su team Mericano “Team Intense/ Monster” den e categoria Expert 14 boys. Den tur dos campeonato e mester a core un total di 6 careda, esta 3 careda di cualificacion, e quart final, semi final y e final na unda e la sa di derota su contrincantenan pa asina e titula “Campeon” den su categoria. Pa e careda di diasabra un total di 37 coredo a registra den su categoria y diadomingo un total di 36. Esaki sigur tawata un logro hopi grandi

pa Zaithyel sigur si nos mira e competencia cu tabatin den su categoria. E logro aki sin mas tambe ta un motivacion grandi pa Zaithyel como cu esaki ta su prome careda internacional pa aña 2012.

Zaithyel ta manteniendo su mes riba nivel y un biaha mas nos por bisa cu e “BMX Junior Development Program” cu e ta forma parti di dje ta dunando e resultadonan desea. Mirando e di logronan di Zaithyel desde 2010 nos por bisa cu hopi seguridad e ta un gran prospecto pa e weganan Olimpico di 2016. Cu cada dia di entrenamiento y cada competencia e ta mira su cualificacion pa e weganan Olimpico aki. Un pabien na Zaithyel pa su logro y motivacion.

